

中國經濟史 長編

國立編譯館出版

黃序鵬 撰

26

中國經濟史 長編

26

黃序鵬
撰

國家圖書館出版社

第二十六冊目錄

第二十二編 運輸

運輸(一)

卷一	○〇三
上古	○〇三
唐虞夏商	○〇四
周	○二一
秦	○二六
前漢	○二八
卷二	○三九
後漢	○三九
蜀漢	○四四
魏	○四六
吳	○四九
宋	○五九
齊	○六三

卷三

梁	○六四
陳	○六六
後魏	○六六
北齊	○七七
北周	○七八
隋	○七八
卷三	○九三
唐	○九三
後梁	一六〇
後唐	一六一
後漢	一六四
後周	一六五
遼	一七〇
卷四	一七二
宋	一七二
運輸(二)	一七二

卷二十六 目録

卷五		二五五
金		二五五
元		二六四
卷六		
元		

卷七、八		三六七
明		三六七
運輸(三)		
卷九—十二		四六五
清		四六五

通鑑

卷一 上古 唐虞夏商周秦前漢


卷二 西漢 蜀漢 魏 吳 宋 齊 梁 陳 北齊

北周 隋

卷三 唐 後梁 後唐 後漢 後周 遼

卷四 宋

(共十五卷)



上古

路史後紀 太昊伏羲氏 命烏明建方澍窾木絕港道以濟不通

炎帝神農氏 命白阜度地紀脉水道窾木方竹抗潢洋而有無達

易經繫辭下傳 神農氏沒黃帝堯舜氏作三剡木為舟剡木為楫舟楫之利

以濟不通致遠以利天下蓋取諸渙服牛乘馬引重致遠以利天下蓋取諸隨

前漢書地理志 黃帝作舟車以濟不通旁行天下師古曰旁行謂四出而行之

淮南子汜論訓 古者大川名谷衝絕道路不通往來也乃為窾木方版以為

舟航窾空也方並也舟相連為航也故地勢有無得相安輸連所有輸所無乃為輶蹻而超千里肩荷

負擔之勤也輶蹻輶輶也勤勞也而作為之棹輸建與駕馬服牛民以致遠而不勞代負也

不勞也

墨子辭過 古之民未知為舟車時重任不移遠道不至故聖王作為舟車以

便民之事其為舟車也全

太平御覽引作完

固輕利可以任重致遠其為用財少而為

利多是以民樂而利之故法令不急而行民不勞而

舊作止一本如此

足用故民歸

之

節用中。古者聖王為大川廣谷之不可濟於是利為舟楫足以將之則上雖

舊作止上以意改

者三公諸侯至舟楫不易津人不飾此舟之利也

唐虞夏商

尚書夏書禹貢

冀州蔡沈集傳曰冀州帝都之地三面距河兗河之西雍河之東豫河之北

周禮職方河內曰冀州是也八州皆言疆界而冀不言者以餘州所至可見晁

氏曰亦所以尊京師示王者無外之意

厥賦惟上上錯厥田為中

蔡沈集傳曰賦田所出穀米兵車之類錯雜也

賦第一等。而錯出第二等也。田第五等也。賦高于田四等者。地廣而入糶也。林氏曰。冀州先賦後田者。冀王畿之地。天子所自治。併其場圃園田漆林之類而征之。如周官載師所載。賦非盡出於田也。故以賦屬于厥土之下。餘州皆田之賦也。故先田而後賦。又按九州九等之賦。皆每州歲入總數。以九州多寡相較。而為九等。非以是等田而責其出是等賦也。冀獨不言貢篚者。冀天子封內之地。無所事於貢篚也。

島夷皮服。蔡沈集傳曰。海曲曰島。海島之夷。以皮服來貢也。

夾右碣石入于河。蔡沈集傳曰。碣石。地志在北平郡驪城縣西南河口之地。今平州之南也。冀州北方貢賦之來。自北海入河南。向西轉。而碣石在其右。轉屈之間。故曰夾右也。程氏曰。冀州為帝都。東西南三面距河。他州貢賦。皆以達河為至。故此三方亦不必書。而其北境。則漢遼東西。在北平漁陽上谷之地。其

水如遼瀋，得易皆中焉。不與河通，故必自北海然後能達河也。又按酈道元言：驪城枕海，有石如甬道，數十里。當山頂有太石，如柱形，韋昭為碣石，其山昔在河口，海濱故以誌其入貢河道。歷世既久，為水所漸，淪入于海，已去岸五百餘里矣。戰國策以碣石在常山，即九門縣者，恐名偶同，而酈氏以為九門，無此山也。濟河惟兗州。蔡沈集傳曰：兗州之城，東南據濟，西北距河。

厥田惟中下，厥賦貞。蔡沈集傳曰：田第六等，賦第九等，貞正也。克賦最薄，言君天下者，以薄賦為正也。

厥貢漆絲，厥篚織文。蔡沈集傳曰：貢者下獻其土所有於上也。克地宜漆，宜桑，故貢漆絲也。篚，竹器，筐屬也。古者幣帛之屬，則盛之以篚。篚而貢焉。經曰：篚厥玄黃，是也。織文者，織而有文，錦綺之屬也。以非一色，故以織文總之。林氏曰：有貢又有篚者，所貢之物入於篚也。

浮于濟漯達于河。蔡沈集傳曰：舟行水曰浮，漯者河之枝流也。堯之貢賦，浮濟浮漯，以達于河也。帝都冀州，三面距河，達河則達帝都矣。又按地志曰：漯水出東郡東武陽，至于乘入海。程氏以為此乃漢河，與漯殊異，然亦不能明言漯河所在，未詳其地也。

海岱為青州。惟蔡沈集傳曰：青州之域，東北至海，西南距岱。岱，泰山也。今在襲

慶府奉符縣西北三十里。

厥田惟上下，厥賦中上。蔡沈集傳曰：田第三，賦第四也。

厥貢鹽絺。海物惟錯。岱畎絲枲。松怪石萊夷作牧。厥篚橐絲。蔡沈集傳曰：

鹽，斥地所出，絺，細葛也。錯，雜也。海物非一種，故曰錯。林氏曰：既總謂之海物，則

固非一物矣。此與揚州齒革羽毛，惟本文勢正同。錯蓋別為一物，如錫貢錯錯之錯，理或然也。畎，谷也。岱山之谷也。萊，麻也。怪石，怪異之石也。林氏曰：怪石之

貢誠為可疑意其必須以為器用之歸而有不可闕者非特貢其堅異之石以為
玩好也萊夷顏師古曰萊山之夷齊有萊侯萊人即今萊州之地作牧者言可牧
放夷人以畜牧為生也廩山桑也山桑之絲其韌中琴瑟之絲蘇氏曰惟東萊為
有此絲以之為繒其堅韌異常萊人謂之山繭

浮于汶達于濟蔡沈集傳曰汶水出秦郡萊蕪縣原山今襲慶府萊蕪縣也
西南入海濟在今鄆州中都縣也蓋淄水出萊蕪原山之陰東北而入海汶水
出萊蕪原山之陽西南而入濟不言達河者因於究也

海岱及淮惟徐州蔡沈集傳曰徐州之域東至海南至淮北至岱而西不言

濟者岱之陽濟東為徐岱之北濟東為青言濟不足以辨故略之也爾雅濟東

曰徐州者商無青并青為徐也周禮正東曰青州者周無徐并徐於青也林氏

曰一州之境必有四至七州皆止二至蓋以鄰州互見至此州獨載其三邊者

止言海岱則嫌於青止言淮海則嫌於揚故必曰海岱及淮而後徐州之疆境始別也

厥田惟上中厥賦中中蔡沈集傳曰田第二等賦第五等也

厥貢惟土五色羽畎夏翟雉陽孤桐泗水浮磬淮夷蠙珠暨魚厥篚玄纁織

蔡沈集傳曰徐州之土雖赤而五色之土亦間有之故制以為貢周書作雉

曰諸侯受命于周乃大建社于國中其趙東青土南赤土西白土北驪土中央

釁以黃土將建諸侯釁取其方面之土色以黃土苴以白茅以為土封故曰受

削土於周室此貢土五色意以亦為是用也羽畎羽山之谷也夏翟雉具五色

其羽中旌旄者也梁人之賦秋染夏鄭氏曰染夏者染五色也林氏曰古之車

服器用以雉為飾者多不但旌旄也曾氏曰山雉具五色出於羽山之畎則其

名山以羽者以此歟嶧山名地志云東海郡下邳縣西有葛嶧山古文以為嶧

下邳今淮陽軍下邳縣也陽者山南也孤桐特生之樹其材中琴瑟詩曰梧桐
生矣于彼朝陽蓋草木之生以向日為貴也泗水名出魯國卞縣桃墟西北陪
尾山源有泉四四泉俱導因為名西南過彭城又東南過下邳入淮卞縣今
襲慶府泗水縣濱水旁也浮磬石露水濱若浮於水然或曰非也泗濱非必水
中泗水之旁也浮者石浮生土中不根著者也今下邳有石磬山或以為古取
磬之地曾氏曰不謂之石者成磬而後貢也淮夷淮之夷也續玼之別者也豎
及也珠為服飾魚用祭祀今濠泗楚皆貢淮白魚亦古之遺制歟夏翟之出於
羽畎孤桐之生於嶧陽浮磬之出於泗濱珠魚之出於淮夷各有所產之地非
他處所有故詳其地而使貢也玄赤黑色幣也武成曰篚厥玄黃織編皆繒也
禮曰及期而大祥素編麻衣中月而禫禫而織記曰有虞氏編衣而養老則知
織編皆繒之名也曾氏曰玄赤而有黑色以為之充所以祭也以為之端所以

齊也。以之為冠，以為首服也。黑經白緯曰織，織也。編也。皆去凶，即吉之所服也。浮于淮，泗達于河。蔡沈集傳曰：許慎曰：汶水受陳留，後儀陰溝，至蒙為灋水，東入于泗，則淮、泗之可以達于河者，以灋至于泗也。許慎又曰：泗受沛水，東入淮。蓋泗水至大野而合沛，然則泗之上源自沛，亦可以通河也。

淮海惟揚州。蔡沈集傳曰：揚州之域，北至淮，東南至于海。

厥田惟下下。厥賦下上上錯。蔡沈集傳曰：田第九等。賦第七等。雜出第六等也。言下上上錯者，以本設賦九等，分為三品。下上與中下異品，故變文言下上上錯也。

厥貢惟金三品。璫琨瑊、藻、蒲、革、羽，惟水。島夷卉服。厥篚織貝。厥包橘、柚、錫、貢。蔡沈集傳曰：三品，金、銀、銅也。璫，琨、瑊，玉石名。詩曰：何以舟之，惟玉及璫。琨，說文云：石之美，似玉者。取為之，可以為禮器。藻之材，中於矢之箚。蒲之材，中於樂之

管、湯亦可為符節。周官掌節有英、蕩、象有齒、犀兕有革、鳥有羽、獸有毛、木稜、梓、豫章之屬。齒、革可以成車甲，羽、毛可以為旌旄，木可以備棟宇器械之用也。島夷東南海島之夷，卉草也。葛，越水綿之屬，織貝錦名，織為貝文。詩曰：貝錦是也。今南夷水綿之精好者，亦謂之吉貝。海島之夷以卉服來貢，而織貝之精者則入篚焉。包，裹也。小曰櫛，大曰柚。錫者，必待錫命而後貢，非歲貢之常也。張氏曰：必錫命乃貢者，供祭祀燕賓客則詔之，口腹之欲則難於出令也。

沿于江海，達于淮泗。蔡沈集傳曰：順流而下曰沿，沿江入海，自海而入淮，泗不言達于河者，因於徐也。禹時江淮水通，故沿于海，至吳始開荆溝，隋入廣之，而江淮舟船始通也。孟子言排淮泗而注之江，記者之誤也。

荆及衡陽，惟荊州。蔡沈集傳曰：荊州之域北距南條，荆山而盡衡山之陽。唐孔氏曰：荊州以衡山之陽為至者，蓋南方惟衡山為大，以衡陽言之，見其地不

止此也而猶包其南也。

厥田惟下中。厥賦上下。蔡沈集傳曰：荊州之土與揚州同，故曰比揚只加一等。而賦為第三等者，地闊而人工脩也。

厥貢羽毛齒革。惟金三品。杙、榦、栝、柏、礪、砥、砮、丹。惟筭、簞、棁、三邦底貢。厥名包匭菁茅。厥篚玄纁、璣組。九江納錫大龜。蔡沈集傳曰：荊州之貢與揚州大抵多

同。然荆先言羽毛者，漢孔氏所謂善者為先也。按賦方氏揚州其利金錫荊州其利丹銀齒革則荆揚所產不無優劣矣。杙、栝、柏三木名也。杙水似櫟而可為弓榦。栝水柏葉松身。礪、砥皆磨石。砥以細密為名。礪以麤穢為名。砮者中矢鏃之用。肅慎氏貢石砮者是也。丹丹砂也。筭、簞竹名。棁木名。皆可為矢。董安于之治晉陽也。公富之垣皆以荻蒿苦楚廩之具高丈餘。趙襄子發而試之。其堅則筭簞不能過也。則筭簞蓋竹之堅者。其材中矢之奇。栝、肅慎氏貢棁矢者是也。